

## 《淨土十疑論》 補充講表

### ◎附表七：

○為此念阿彌陀佛，即念一切佛；生一淨土，即生一切淨土。

※《阿彌陀經要解》云：「明上住處生處種種莊嚴，皆是阿彌陀佛大願大行稱性功德之所成就。故能遍嚴四種淨土，普攝十方三世一切凡聖令往生也。復次，

佛以大願作眾生多善根之因，以大行作眾生多福德之緣，令信願持名者，念念成就如是功德，而皆是已成，非今非當。」


※《阿彌陀經要解》云：「當知光壽名號，皆本眾生建立。以生佛平等，能令持名者，光明壽命同佛無異也。復次由無量光義，故眾生極樂，即生十方；見阿彌陀佛，即見十方諸佛，能自度，即普利一切。由無量壽義，故極樂人民，即是一生補處，皆定此生成佛，不至異生。」

○何不十方佛土中，隨念一佛淨土，隨得往生，何須偏念西方彌陀佛耶？

※《阿彌陀經要解》云：「問：何不遍緣法界？答：有三義：令初機易標心故，阿彌本願

勝故，佛與此土眾生偏有緣故。蓋佛度生，生受化，其間難易淺深，總在於緣。緣之所在，恩德弘深，種種教啟，能令歡喜信入，能令觸動宿種，能令魔障難遮，能令體性開發。」

◆問：何不遍緣法界？



○釋迦大師一代說法，處處聖教，唯勸眾生，專心偏念阿彌陀佛：勸生西方，故偏念也。

※《大乘起信論》·修行信心分云：「復次，眾生初學是法，欲求正信，其心怯弱。以住於此娑婆世界，自畏不能常值諸佛，親承供養。懼謂信心難可成就，意欲退者，當知如來有勝方便，攝護信心。謂以專意念佛因緣，隨願得生他方佛土，常見於佛，永離惡道。如修多羅說：【若人專念西方極樂世界阿彌陀佛，所修善根迴向願求生彼世界，即得往生。】常見佛故，終無有退，若觀彼佛真如法身，常勤修習，畢竟得生，住正定故。」

○《觀經》云：「阿彌陀佛有八萬四千相，一一相有八萬四千好：念佛眾生，攝取不捨。」

※《十六觀經》云：「以智慧光，普照一切，令離三塗，得無上力，是故號此菩薩，名大勢至。」

※《普賢行願品》云：

◆唯此願王

不相捨離

於一切時，引導其前

一剎那中，即得往生極樂世界。

○釋迦佛說經時，皆有十方恒沙諸佛，舒其舌相……決定得生極樂世界。

※《阿彌陀經要解》：「常人三世不妄語，舌能至鼻。藏果頭佛，三大僧祇劫不妄語，舌

薄廣長可覆面。今證大乘淨土妙門，所以遍覆三千，表理誠稱真，事實非謬也。」

◆復次，只此信願，莊嚴一聲阿彌陀佛

轉劫濁——為清淨海會。

轉見濁——為無量光。

轉煩惱濁——為常寂光。

轉眾生濁——為蓮華化生。

轉命濁——為無量壽。

※《無量壽經》卷下云：「諸佛告菩薩，今覲安養佛，聞法樂受行，疾得清淨處。

至彼嚴淨國，便速得神通，必於無量尊，受記成等覺。

其佛本願力，聞名欲往生，皆悉到彼國，自致不退轉。」

○故知阿彌陀佛與此世界極惡眾生，偏有因緣：處處經論，殷勤叮嚀，勸往生也。

※《大乘起信論裂網疏》卷六云：「十方諸佛，淨土無量，經論多指歸極樂者，略有四意：

一者、阿彌陀佛與此土人最有緣故，乃至窮村僻塢，若男若女，若長若幼，若智若愚，無不知稱阿彌陀佛名者。二者、法藏比丘願力勝故。諸佛果德雖實平等，因中願力任運攝生，無差別中有差別故。三者、令人繫念得專心故。若不專歎，則眾生既欲生西，又欲生東，心無一定，淨業難成。所以十方諸佛，同出廣長舌相，讚此一門，令人專憶。四者、阿彌陀佛即法界藏身，極樂世界，即蓮華藏海。故見一佛，即為見無量佛；生一土，即為生無量土。念一佛，即是念一切佛，即為一切佛所護念；以法身不二故，生佛不二故，能念所念不二故。一念相應一念佛，念念相應念念佛。因該果徹，更無二故。」